



Na osnovu člana 64. stav (1) tačka b) i člana 70. Zakona o javnim nabavkama («Službeni glasnik BiH», broj 39/14) i člana 18. Poslovnika Centralne izborne komisije Bosne i Hercegovine («Službeni glasnik BiH», br. 50/07, 33/09, 24/13 i 32/14), na preporuku Komisije za javne nabavke od 20.04.2016. godine, Centralna izborna komisija Bosne i Hercegovine je na 19. sjednici, održanoj 21.04.2016. godine, donijela

ODLUKU o izboru najpovoljnijeg ponuđača

(1) Ugovor za javnu nabavku usluga štampanja i pakovanja izbornog materijala za Lokalne izbore 2016. godine **LOT 1-Štampanje i pakovanje obrazaca za registraciju birača izvan zemlje/poštom i štampanje i pakovanje privremenih i konačnih biračkih spiskova** dodjeljuje se ponuđaču **JAVNA USTANOVA SLUŽBENI GLASNIK REPUBLIKE SRPSKE BANJA LUKA**.

(2) Ponuda ponuđača iz stava (1) dispozitiva ove odluke je u skladu sa kriterijima i tehničkom specifikacijom utvrđenom tenderskom dokumentacijom i ocijenjena je kao najpovoljnija za ponuđenu cijenu u iznosu od **24.460,00 KM bez PDV, odnosno 28.618,20 KM sa PDV**.

(3) Prijedlog ugovora o nabavci dostavit će se na potpis izabranom ponuđaču iz stava (1) dispozitiva ove odluke po proteku roka od 15 dana, računajući od dana od kada su svi ponuđači obaviješteni o izboru najpovoljnije ponude u skladu sa članom 71. stav (1) Zakona o javnim nabavkama.

(4) Ova odluka stupa na snagu danom donošenja i objavit će se na web stranici Centralne izborne komisije BiH.

Obrazloženje

Postupak javne nabavke usluga štampanja i pakovanja izbornog materijala za Lokalne izbore 2016. godine LOT 1-Štampanje i pakovanje obrazaca za registraciju birača izvan zemlje/poštom i štampanje i pakovanje privremenih i konačnih biračkih spiskova proveden je putem otvorenog postupka. Obavještenje o javnoj nabavci objavljeno je na Portalu javnih nabavki broj: 794-1-2-43-3-17/16 od 25.03.2016. godine. Do krajnjeg roka za prijem ponuda dana 19.04.2016. godine do 13,00 sati na adresu Centralne izborne komisije BiH dostavljene su četiri ponude ponuđača: Javna ustanova Službeni glasnik Republike Srpske Banja Luka, "Eurografika" d.o.o. Zvornik, "Grafika Šaran" d.o.o Sarajevo i "A dizajn" d.o.o. Sarajevo Ilidža.

Komisija za javnu nabavku, imenovana odlukom broj: 07-2-16-3-97-2/16 od 04.02.2016. godine, izvršila je pregled i ocjenu ponuda o čemu je sačinila Zapisnik o pregledu i ocjeni ponuda broj: 07-2-16-3-97-24/16 od 20.04.2016. godine, u kojem je dala preporuku Centralnoj izbornoj komisiji BiH da u ovom predmetu javne nabavke donese odluku o dodjeli ugovora ponuđaču Javna ustanova Službeni glasnik Republike Srpske Banja Luka i dodjeli ugovora ovom ponuđaču s obzirom da je njegova ponuda u skladu sa kriterijima i tehničkom specifikacijom utvrđenom tenderskom dokumentacijom i što je ponuđena cijena u iznosu od 24.460,00 KM bez PDV, odnosno 28.618,20 KM sa PDV ocijenjena kao najpovoljnija, a koja je i u okviru osiguranih sredstava za predmetnu nabavku. Imajući u vidu naprijed navedeno, Centralna izborna komisija BiH je i odlučila kao u dispozitivu ove odluke.

Pouka o pravnom lijeku: Žalba se izjavljuje Centralnoj izbornoj komisiji BiH u pisanoj formi u tri primjerka neposredno ili preporučenom poštanskom pošiljkom, u roku od 10 dana od od dana prijema ove odluke.

Broj: 07-2-16-3-97-25/16
Sarajevo, 21.04.2016. godine

Dostavljeno:
-Ponuđaču
-a/a



Predsjednik
Ahmet Šantić
Dr. Ahmet Šantić